

nato vallatur. Branchias habet utrimque quaternas easque duplices, id quod Aristoteles quoque vidit. *Cauda* bifurcatim dividitur. Ad maiorem *magnitudinem* excrescit, quam marina: nam et trilibris aliquando capi solet, inquit Salviatus: in Lario lacu ad pedalem etiam teste Jovio magnitudinem. In Suerinenfi vero lacu ulnam, id est cubitum, aequare Gesnerus intellexit. Ventriculum habet mediocrem; intestina pauca et tenuia, *hepar* subpallidum: a cuius majori lobo vesica pendet, in qua fel est tenue et aqueum: *Lien* subrubet. *Lapillos* habet in cerebro. Plinius eam mari et fluviis communem facit, sed perperam. In dulci enim aqua vivere et usu, et Aristotelis Aufoniique testimonio, qui eum cum Cyprino, Glanide et aliis nominat, constat. Aelianus in Danubio capi scribit. Rhenus eo caret, forte quod altiores aquas amet. Praecipua in Verbano lacu et Pado flumine producit, prodente Platina. Fama est, Larii lacus Percas fuisse advectitios et inquilinas, tralatis scilicet e lacu Eupyli, qui Lambrum emittit amnem, feminibus. In omnibus *jecur* grandine affectum est, nec quoquam alio vitio laborant. *Devorant* alios pisces, tum proprii generis sobolem. *Pariunt* circa littora et frutices, ut Aristoteles prodidit, in Helvetiis lacubus verno tempore in profundo, Aprili et Majo mensibus, ut Gesnerus. Partus tempore facile capiuntur in Sleja, et frequenter, hinc a littoribus ad pastum excurrunt, vaganturque locis spatiosioribus. Circa Johannis festum rursus capitur, dum littora ex profundo repetit. Lucio laeso opitulari, fabulosum puto; nec ille huic parceret, nisi propter

pinnas cogeretur. Gesnerus narrat, piscatores in Lemano lacu observasse, Percas hyeme emittere per os *Vesiculam* quandam rubram ex ore pendentem; quae vel invitas, inquit, supernatare cogit: coniectant autem id ab eis fieri prae iracundia, quod in retia inciderint: hoc enim tum maxime pati, cum retia trahunt piscatores: sed mirum esse quod hyeme tantum id ipsis accidat. De ipsarum *Salubritate* diversae sunt Authorum opiniones. Rondeletius dotibus illis quibus marina instructa est carere, scribit. Gesnerus Rhenanas, et quae in fluviis et lacubus majoribus purioribus versantur probat: quae in minoribus minusque puris aquis degunt, non item. In Gallia summam alendis febricitantibus dignitatem obtinent, si Jovio credimus; In Italia quae in Lario lacu laudatissimi, eadem ad pedalem magnitudinem crescunt, et maturescentibus praesertim ovis, ab ipso pingui et praeteneris interaneis commendantur. In Germania quovis anni tempore, April. et Mart. mensem si excipias, laudantur. Aufonius in pretio habitam fuisse testatur alibi inerti gustu prodidit. Minimas quas *Hornas* cognominant, coqui peritiores vino calido immerfas elixant. Majusculae propter spinas et aculeos pinnarum dorfi, vescentibus molestae sunt: in minimis propter ténitudinem non curantur. Parvulae etiam, butyro frigi solent, frequentius quam ulli alii pisces. Circa Verbanum lacum Percas modice apertas, verubus ligneis transversas inserunt et assant: semiaffas butyro illinunt. Ibi dem omne genus pisciculorum ad solem inveterant, maxime vero Perculas. Vulnus aculeis pinnarum dorfi inflicturn, non facile sanatur.

CAPVT II.

De Perca Fluviatili minore.

TAB. XXIV. 8. *Perca fluviatilis minor*, quibusdam Cernua, et Acerina medici Plinii, Straboni *Porcus Niloticus*, quia porcum continente spinarum serie ad modum setarum mentitur, Trago *Aurata fluviatilis*, quod extra aquam educta ac suo humore deterfa, aureo

fulgore in Caeruleum abeunte insignis sit; Cajo Anglo *Aspredo*; Pictorio *Aspretilis* dicitur. Piscis est toto corpore asper, pinnis spinosus.

Percae forma et magnitudine, colore per summa fuscus, per ima cum pallore flavus; duplici per maxillas semi-